



საქართველოს ოკუპირებული ტერიტორიებიდან დევნილთა, შრომის,
ჯანმრთელობისა და სოციალური დაცვის მინისტრის

ბ რ ძ ა ნ ე ბ ა



KA030150390532420

№ 01-71/ო

02 / მარტი / 2020 წ.

სეზონური გრიპისა და COVID-19 –ის შემთხვევათა იდენტიფიცირებისა და სწორი
მართვის/რეფერალის უზრუნველყოფის მიზნით გასატარებელ ღონისძიებათა
შესახებ

„საზოგადოებრივი ჯანმრთელობის შესახებ“ საქართველოს კანონის მე-7 მუხლის პირველი პუნქტის, „ჯანმრთელობის დაცვის შესახებ“ საქართველოს კანონის მე-15 მუხლის, მე-16 მუხლის პირველი პუნქტის „კ“ ქვეპუნქტის, 53-ე მუხლის მე-2 პუნქტის „ზ“ ქვეპუნქტის, 70-ე მუხლის პირველი პუნქტის, 74-ე მუხლის, 75-ე მუხლის, „საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს დებულების დამტკიცების შესახებ“ საქართველოს მთავრობის 2018 წლის 14 სექტემბრის N473 დადგენილებით დამტკიცებული დებულების მე-2 მუხლის „ა“ და „გ“ ქვეპუნქტების, მე-3 მუხლის „ა“ და „ნ“ ქვეპუნქტების, მე-6 მუხლის მე-2 პუნქტის „ბ“ და „ო“ ქვეპუნქტების გათვალისწინებით, სეზონური გრიპისა და COVID-19 –ის შემთხვევათა იდენტიფიცირებისა და სწორი მართვის/რეფერალის უზრუნველყოფის მიზნით,

ვბრძანებ:

- განისაზღვროს „მორიგე“ რეჟიმში მომუშავე დაწესებულებები (შემდგომში - დაწესებულებები):
 - შპს „საოჯახო მედიცინის ეროვნული სასწავლო ცენტრი“ (ქ. თბილისი, წინამძღვრიშვილის ქ. N57);
 - შპს „მედკაპიტალი“ - გლდანის ფილიალი (ქ. თბილისი, გლდანი, გამარჯვების ქ. 1 (ი. ვეკუას ქ. 18);
 - შპს „მედკაპიტალი“ - ვარკეთილის ფილიალი (ქ. თბილისი, ისანი-სამგორის რაიონი, მოსკოვის გამზ. 4 კვ. 3 კორპ.);
 - შპს „მედკაპიტალი“ - საბურთალოს ფილიალი (ქ. თბილისი, გამრეკელის 19).
- ბრძანების პირველი პუნქტით განსაზღვრულმა დაწესებულებებმა უზრუნველყონ პაციენტთა სატელეფონო კონსულტაცია 24 საათის განმავლობაში;
- ბრძანების პირველი პუნქტით განსაზღვრული დაწესებულებების მიერ, ამ ბრძანებით განსაზღვრული განუვლი მომსახურების ღირებულების ანაზღაურება განხორციელდეს „რეფერალური მომსახურების“ სახელმწიფო პროგრამის ასიგნებებიდან.
- ბრძანება ძალაშია ხელმოწერისთანავე.

